

Cartulaire de l'Abbaye de Redon en Bretagne: [832–1124], Nr. 240

In nomine sanctae et individuae Trinitatis, Salomon, gratia Dei, Britannice provinciae princeps, cum enim consuetudo sanctae aecclesiae est ut quicquid iustum ac religiosum in ea agitur, tam divina auctoritate quam humana, litteris ob memoriam venturae aetatis comendetur, idcirco notum sit omnibus Britanniae nobilibus tam episcopis omnique clero quam nobilibus laicis, quomodo adiit venerabilis vir Ritcantus, abbas, cum consilio et consensu fratrum suorum in Rotonon monasterio ceterisque cellis supradicto monasterio subiectis Deo servientium, clementiam nostram postulans ut quod beatae memoriae Hlodouuicus imperator filiusque eius Karolus necnon et Nominoe princeps Britanniae filiusque eius Erispoe antecessori eius beate memoriae Conuuoiono abbate supradicti monasterii fundatori concesserant, nos quoque ei et suis monachis tam viventibus quam futuris concederemus electionem suam, id est, ut nullum abbatem nec extraneum nec ex seipsis habeant nisi quem unanimis congregatio supradicta, communi concessu atque consilio, cum timore Dei, eligant; quod nos scientes auctoritatem et rationem esse quod ipsi petebant, concessimus eis, cum consilio nobilissimorum Britanniae virorum tam clericorum quam laicorum, ut nunquam habeant neque per aurum neque per argentum vel certa munuscula vel per quolibet ingenium nisi quem ipsi ex semetipsis eligant, secundum regulam sancti Benedicti; et ut hoc firmiter stabiliusque tam in futura quam in presenti generatione permaneat, manu nostra firmavimus, ac sigilli nostro sigillari iussimus, omnesque nobiles qui presentes aderant firmare fecimus, quorum ista sunt nomina: Signum Salomon, regis Britanniae; Ratuili, episcopus; x. Riulen; x. Pascueten; x. Bran; x. Riuuallon, filius Salomonis; x. Uuicon, frater eius; x. Guegon, filius Riuelen; x. Alan; x. Moruuethen et Omnis, filiorum Hoiarnuuethen; x. Moruuethen, filii Uuruethen; x. Penhe; x. Sabioc; x. Feleus, diaconus; x. Uurcundeluc; x. Arthur; x. Hincant; x. Bernahart; x. Anuudiat; Deurhoiarn, filius Riualt; x. Moruuan; x. Maengi et Gleuvili, filiorum Maanci; x. Riethoc, presbyter; x. Cumin, abbas; x. Matuuoret, presbyter; x. Uuhirt, presbyter; x. Budrith, presbyter; x. Huelveu, diaconus; Anuuano, testis; Ninmon, testis; Huelluent, testis; Kenmarc, testis; Salvator, testis; Suluuoret, testis; Tuduuoret, testis; Diles, testis; Dermunuc, testis; Coruuethen, testis; Guitur, testis; Hirvidoe, testis; Gradlon, testis; Telent, testis; Drehoc, testis; Cahai, testis; Golohet, testis; Matuuido, testis; Guruuoret, testis; Iunnimet, testis; Sider, testis; Gedeon, testis; Guenkalon, testis. Factum est hoc in pago nuncupante trans silvam, in aula quae vocatur Campel, die dominico, .IIII. kalendas sept., die Decollationis sancti Johannis Baptistae, anno incarnationis Domini nostri Iesu Christi .DCCC.LXVIII., indictione prima, regnante Karolo rege, anno .XI. dominante Salomone Britanniam, primo anno apostolatus Adriani apostolici, coram suprascriptis viris.